



Progjet promovût di 'La Vôs dai Furlans' e 'ARLeF'

Lu saveviso che...?



Une liende e conte che il cuel dal cjistiel di Udin al è stât fat sù di Atile, il re dai Uns. Dopo vè fiscade la citât di Aquilee, par podê viodile brusâ, cuant che al rive a Udin al domande ai siei soldâts di fâ sù une alture. I soldâts, alore, a jemplin i elms di tiere e, un tic par volte, a tirin sù une mont di tiere: chel cuel che o viodin ancjemò in di di vuê! Fruts, cognosseviso cheste liende?


Il carton de setemane



Ugo al ten di cont il cjistiel di Darçjan Disore cun tante cure, ma lis proprietariis a decidin di vendilu. Par fortune, un jutori misterios al è daûr a rivâ...


Cjalìn insieme "Il cjistiel infestât" de serie *Sul troi des contis* su YouTube ARLeF

Piture il dissen



Cumò fâs tu!

Cuntune rie, met dongje ogni besteute cu la ombre juste.



Ridi a plene panze!

Parcè l'Autun isal plu curt dal Invier? Parcè che al è une mieze stagjon!

ARLeF AGENZIE REGIONÂL PE LENGHE FURLANE

**Maman!**

**FRUTS, SÊSO PRONTS? AI 11 DI OTUBAR AL TORNE MAMAN!**

aes 18.30 su **telefriuli** canâl 11

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU **telefriuli**

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

**STELIS E LUSIGNIS**  
Noa



**Roc.** Un amî si spieta un consei impuartant di te, ma no tu sês ancjemò rivât a capî dulà indreçâlû.



**Gjambar.** Sedi la vitorie che la disfate no son mai plenis, tu âs di acetâ cheste regule.



**Balance.** No tu sês convint di une siele fate pôc timp indaûr, ma cambiâ cumò al è masse tart.



**Bec di mont.** Tu âs domandât a cualchidun una man, no stâ crodi che dopo no vignedin a domandâti un plasê indaûr.



**Taur.** Tu tasis masse su lis robis che ti fasin tribulâ, invezit di vierziti di plui cun chei che ti stan dongje.



**Leon.** Ancje se il partner ti fâs matea cuntune sò passion, visiti che lu fâs par amôr.



**Sgarpion.** Tu âs di cjapâ une decision impuartante, dopre dut il timp che tu âs a disposizion.



**Agarûl.** Tu âs voie di vè alc di siôr, no stâ lassâ che chei altris a sieledin par te.




**Zimui.** No tu âs avonde energjie par dutis lis robis che tu âs di frontâ, dopre ben lis tôs fuarcis.



**Vergjine.** Une cuistion ti soomee une vore imberdeade e tal ultin al sarâ un parint a disberdeâl.



**Sagjitari.** Tu crodevis di rivâ a no pensâ a une persone e invezit tu te cjatis simpri denant.



**Pes.** Tu crodis simpri di rivâ a convinci chei altris, ma dispès ti disin di sî dome par fâti un plasê.